



Groupe parlementaire

Här Fernand Etgen  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, den 23. August 2022

Här President,

esou wéi d'Chambersreglement et virgesäit, bieden ech Iech, dës parlamentaresch Fro un den Här Digitalminister an den Här Schoulminister weiderzeleeden.

Esou wéi déi éisträichesche Zeitung "Der Standard" schreift, ginn d'Donnéeë vun den Notzer bei der chineesescher Applikatioun "Tik Tok", déi zu Lëtzebuerg grad bei jonke Leit populär ass, besonnesch aggressiv gesammelt, well et net méiglech ass extern Links iwwert en externe Browser opzemaachen.

An deem Zesammenhang géif ech der Regierung gär dës Froe stellen:

- 1) Kann d'Regierung matdeelen, op dës Praxis vun Tik Tok och mat de Lëtzebuenger Dateschutzgesetzter kompatibel ass? Falls jo, kéint d'Regierung sech dann eng zäitno Gesetzesännerung virstellen, respektiv sech zu Bréissel fir eng Ännerung vun der DSGVO anzesetzen?
- 2) Den Dateschutz ass e Problem dee jonk Leit allgemeng besonnesch staark betrëfft. Wéi eng Moosnamen huet d'Regierung bis ewell geholl fir an der Schoul fir dës wichtegt Thema ze sensibiliséieren an de Schüler och bäizebréngen, wéi si hir Donnéeën eegeverantwortlech besser schützen kënnen?
- 3) Wéi beurteilt d'Regierung de Risiko, datt privat Donnéeë vu Lëtzebuenger Bierger an Drëttstaaten transferéiert kënnen ginn an domat méiglecherweis och fir déi entspreechend Regierungen zougänglech ginn, notamment an net demokratesche Staate wéi der Volleksrepublik China?

Mat déiwem Respekt,



Fernand Kartheiser  
Deputéierten